




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2756/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2756/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2756/A




Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
2756/A

³
A M P L I S S I M O
Legum Doctori Bernar-
dino Borgarutio:

A C P R A E C L A R I S S I M O
 Medico, & Philosopho Iulio Borge-
 rutio, fratribus dilectissimis,
 & colendissimis,

P R O S P E R V S B O R G A R V T I V S,
Philosophus, ac Medicus.
 S. P. D.



POSTEA QVAM ex lite-
 ris uestris præteritis
 iam aliquot mensibus
 intellexissem (fratres
 obseruandissimi) in
 istis orbis terrarum
 partibus grauissimam, acerbissimamq;
 pestem uersari, præsertim in LONDINO
 totius Britanniae Ciuitate florentissi-
 ma,

4

ma, ubi tu Iuli frater tanta cum tui nominis existimatione, tantaque cum laude medicinam profiteris; continere me non potui, neque animo ante con-
 quiescere, quàm iterum de hoc morbo tam pestilenti audiuissem, esset ne planè extinctus, an adhuc sua contagione populos inficeret. Cumque interim mecum cogitarem quanto in periculo uterque uestrum esset, dum tu Iuli tantum temporis spatium nancisci non posses, ut sanitati, non dico cuiusque alterius, sed tuæ ipsius conseruandæ operam adhiberes; & tu Bernardine maiori incommodo premereris, quod Iurisconsultus sis, artemque nostram nescias (tametsi enim pestilentia malum grauissimum esset: tamē frater noster Iulius sua solita prudentia, accuratoque ordine medendi se ipsum ab ea potuisset melius, quàm tu te omni tua cura, & solitudine defendere): Id circo statui facere, quod uulgo nūc dici solet, ut una fidelia duos parietes dealbarem. hoc autem est, ut tam breuiter,

5
uiter, quàm tenues ingenij mei uires
efficere possent, aliquam describerem
rationem, ac unam, qua faciliter, iuuan
te Deo, pestilentem hunc morbum eui
taretis. Quod eo lubentius feci, quo
mecum pressius consideraui non solū
ea, quæ tibi Bernardine pro amore no
stro fraterno debeo: sed etiam pro sin
gulari tua erga me beneuolentia, pro
humanitate, pro consilijs, & monitis sa
pientibus, quibus me ad studia semper
excitasti. Quæ certè res omnes me ad
monent in præsentī, non ut te hoc solū
opusculo, idque etiam cōiunctim cum
alio exornem; sed si quid sit maius, tui
que in me beneficijs dignius, id totum
præstem. Verum de hoc aliàs. Nunc
has uigilias meas, quales illæ quidem
sunt, tales uobis mitto; atque etiam
rationem studiorum meorum, quæ hos
quinque annos, tum consilio uestro,
tum mea etiam uoluntate in arte me
dendi consumpsi. In quibus certè me
thodo, qua potui optima, describen
dis, uix tantum temporis adhibui, ut

A 3 mearum

mearum cogitationum primum fieret
 exemplar, quia subito à Vobis secun-
 dæ ad me literæ uenerint, quibus acci-
 piebam pestem cessasse, omniaque in
 pristinam salutem esse restituta: Vos sa-
 nos, saluos, & ab omni infirmitate libe-
 ros esse; quæ quidem res quàm mihi
 fuerit grata, quàmque certum me ue-
 stræ ualeitudinis effecerit, Vos, quæso,
 iudicate. Profectò ego quantum quis-
 que cogitare potest, animo conquie-
 ui, Deoque opt. Max. gratias egi, quod
 ad preces meas tam misericorditer uo-
 bis tale donum concessisset. Nihilomi-
 nus tamen, ut ij facere solent, qui post
 magnam aliquam tempestatem subito
 non acquiescunt, seseque tranquillât;
 cum iam res omnis, ut uolebam, com-
 posita, perfectaque esset, nec in ea ego
 meo iudicio stare uellem, decreui hanc
 operam cum Medicis istius Academię
 peritissimis conferre, eosque obsecra-
 re, ut de ea quid sentirent, libere pro-
 nunciarent: Vt ita demum scirem, ef-
 fet ne hoc de peste non dico argumen-
 tum,

tum, sed ipsa sola tractatio satis conueniens, quæ ad Vos mitteretur, in ea præsertim loca, in quibus magis, quàm alibi uspiam studia medicinæ florent: qui que ea sequuntur amplioribus honoribus afficiuntur. dubitabam enim, & subinde uerebar, ne hæc tota pestis curatio satis à me esset imperfectè tractata. Quæ postquam ab istis perlecta erat, non eo certè animo ut sub nomine uestro in manus hominum publice ueniret: sed potius ut descripta priuatim mitteretur: (nam ego nihil aliud cogitabam, quàm breuem aliquam, ut dixi, rationem reddere studiorum meorū, tibi que Bernardine; quod Iulius propter suas occupationes non potuit; aliquem modum præscribere, quo te ab omni pestis infectione liberum, et sanum conseruares); Vniuersi dixerunt, uerè magnum erga me debere fuisse semper amorem uestrum, de quorum ego periculis tã anxie cogitassem. hocque factum meum plus illi laudarunt, quàm me ipsum decet ad uos scribere.

A

4

Sed

Sed opusculum meum satis quidē perfectum esse, illudque in se pietatis exemplum habere, quod certē dignum sit non solum inter nos conuersari, uerū etiam per uniuersum orbem Christianum propagari; ita ut à quibus ego existimarem reprehensus esse, tanquam qui in opere errassem, fui quidem quodammodo reprehensus; sed quod hūc laborem suppressi, nec in uulgus exire noluerim. Coactus igitur sum eorum hominū auctoritate, quibus ego nihil negare uel possum, uel debeo, hanc breuem de peste tractationem chalcographis promittere, ut ea sub uestro nomine in manus hominum prodiret. Sic enim fore affirmabant hi, de quibus iā dixi, ut omnes homines clare intelligerent, uestram erga me beneuolentiam, meamque in uos pietatem, desideriumque aliquo modo gratificādi: sic meam promptam uoluntatem, nostramque fraternam vnionem. quæ quidem quā grata futura sit Carolo Borgarutio Patri nostro, homini iam
seni,

seni,
giore
mum
alieri
ruijs
habet
ergo
ut nec
sub u
non
sed
nific
pore
erit
operi
man
sed
solu
Prid
M D

9
seni, quantumque ei profecerit ad longiorem uitæ cursum peragendum : demum quantum allatura sit uoluptatis alteri nostro fratri Borgarutio à Borgarutijs; omnis, qui filios ipse, uel fratres habet, facile poterit iudicare. Quoniã ergo sic est uisum præceptoribus meis, ut hæc tractatio diuulgetur, uolo ut ea sub uestri nominis patrocinio exeat, non quasi illa uobis à me dedicetur, sed ut potius fratribus amantissimis gratificer, eo modo, quo possim hoc tempore commodissime. Vestrum autem erit, non conuertere oculos ad huius operis exiguitatem (quos ego fateor maiori remuneratione dignos esse) sed à quo animo profectum id sit, hoc solum considerare. Valete. Patauij. Pridie Non. Decembres.
M D LXIIII.

Ad lectorem.

Peste malum nullū grauius . pestē odimus oēs .

Omen & in tristi nōmine pestis inest .

Hāc fugere optamus si forte premamur ab ipsa .

Ne ue premat coelum uertimus , atque solū .

Scilicet id sapere est , ueniēti occurrere morbo :

Quæque futura forent , ante cauere malis .

Quod si oēs facimus , cupimusq; salute potiri ,

Debeat & nummis carior esse salus ,

Aere quid exiguo cessas opus istud habere ,

Quo duce securus tempore pestis eris ?

DE PESTE^{II} TRACTATUS,

Nunc primùm in lucem editus ab
Excell. Medico Prospero
Borgarutio.



ESTILENTIA, seu
pestis, quam Græci λοιμὸν di-
cunt, aliud nihil iuxta Hip-
pocratis sententiā uidetur
esse libro de flatibus, & Ga-
leni tertio de morbis vulga-
ribus, nisi mala, uel potius

Hippoc.

Galenus.

pestima, & pernitiōsa admodum febris, vulga-
ris, communisque, ab ipso aere ortum ducens,
qui nos quidem undequaque circumdat, tādē
corrupto. Aer itaque nobis continuo contra-
ctus spiritus nostros internos principio lēdit:
quibus successiue offēsi occurrunt humores,
cordiumque humiditas innata, & ita deinceps
febris quēdam accēsa omnium quidem nocē-
tissima consequitur; quam idcirco Princeps
noster Auicenna in pri. quar. febrem mali mo-
di appellauit, quod latenter ægrum percutiat,
ipsumque necet. Quod præterea morbus iste
pestilens;

Auicēn.

Hippoc. pestilens; sit morbus quidam uniuersalis, uel
 communis, uidemus nos eum omnes comuni-
 ter inuadere, & breui quidem tempore ho-
 mines necare. quemadmodum istud idem de-
 clarare Hippocratis uerba eodem de Flati-
 bus lib. ostendunt, quæ huiusmodi sunt nobis la-
 tine interpretata. Sunt febrium duo genera,
 ut hoc quoque nunc attingam, quorum alterum
 commune omnibus pestis appellatur. quibus
 deinde uerbis eodem lib. hæc alia præponēs sub-
 iungit. Communis febris propterea omnibus
 accidit, quod eundem spiritum omnes attra-
 hunt, sitque ut simili corpori, similes spiritus si-
 militer permixti, similes febres gignant. Sed
 est (inquit postea eodem libro) fortasse qui di-
 cat, ut quid ergo non omnibus animantibus,
 sed alicui eorum generi incidunt hi morbi?
 Cui ego sic responderim. Differt corpus à cor-
 pore, natura à natura, & nutrimentum à nu-
 trimento. Non enim omni animantium gene-
 ri eadem aut non conferunt, aut commoda sunt,
 sed sunt alia alijs magis conuenientia. Omni-
 bus itaque consentientibus morbus iste pesti-
 lens, febris erit praua, seu pessima, ac pernitio-
 sistima, communis, ac vulgaris ex pestilenti
 aeris statu proficiscens; erit, inquam, morbus
 utique contagiosus, maximum quidem bellum
 inter uitam ac mortem, & mirabile admo-
 dum

dum diuinum erga mortales flagellum. Ad cuius curatione in antequam accedamus, & antequam causas, signa, prognostica, generationē, precautionem ordine subtiliter perquiramus, Aeternam ipsam Monarchiam quā humiliter ac deuote deprecari, orareque semper debemus, ut ab hoc prædicto flagello intacto, nos omnes relinquat. Post quas preces, & facilius, & commodius, ac melius ad prædictarum rerum inquisitionem tandem accedere poterimus. Causas igitur istius contagiosæ pestis (ut ab eis exordiamur) multas quidem esse opinor, quas omnes non recensendas esse duco, ne breuis iste noster tractatus perprolixus nimium appareat, qui postea uel clarior, aut utilior, & facilior minime succederet; sed potius forsā obscurior, & difficilior, ac magis lectoribus permolestus euaderet, is præsertim, qui breuibus rem totam legere, ac simul percipere desiderant. Quod si quidem, ut commodius nobis eueniat in causa erit posthac, ut de eis tantum causis pertractemus, quæ nempe magis nobis necessariæ huic nostræ declarationi uidebuntur, & à quibus absque ullo difficultatis timore satis alias uniuersas unusquisque rectè cognoscere possit. Duplices itaque talium morborum causas esse statuemus, sicut etiam hoc idem ex Galeno pri. de diff. feb. cap. quar. appa- Galenus.
ret,

ret, ac alijs plerisque in locis; sed non eas duplices: quas quidem, qui altius rem totā perscrutari uolunt assignare conantur; Terræ nempe alteram, alteram cælo adscribentes; quandoquidem se ipsos, artem, ac omnia potius subuertere uidentur, quam boni quicquam ostendant, ut inferius declarabimus; Verum enimvero si eas minime spurias causas, uel dicamus ineptas perquirere desideremus, sed legitimas tantum accipiamus, aeris tantum malam coinquinationem, & humorum nostrorum corruptionem assignabimus. Quæ quidem ambo satis nempe uiolenter pestem nobis afferre poterunt, etiam si ex corrupto tantum, atque uitiato malo aliquo inquinamento aeris nascatur morbus iste. ab aere, inquam, qui morbidam excretionem in se habens, quæ ueneni instar sit, pestilentes, & contagiosos parit morbos, ut Galenus lib. de Theriaca ad Riso. his uerbis bellissime expressisse est uisus, inquiens. Pests tanquam & ipsa existat quædam bellua, haud paucos interimit; uerum Ciuitates quoque totas depascens, malè conficit. Quippe (subdit) praua quædam aeris ad corruptionem prompta mutatio efficitur, & homines cum respirationis necessitate periculum euitare nequeant, ipsum aerem ueluti uenenum quoddam ad se per os attrahunt. Quod quidem & rursus
idem

Galenus.

idem author, lib. ad Pamphilianum confirma-
uit, Hippocratis utiq; lib. de nat. hum. mentem
sequutus. Hæc profectò prima, atque præcipua.
contagiosorum morborum, tum & pestilen-
tium causa: Vitiosi aeris inquinamento ali-
quo, seu uaporibus infecti attractus, cui altera
successiue associatur: humorum uidelicet inter-
norum permutatio, ac corruptio. Putredinis
autem (inquit Galenus eodem lib. de disse. feb. et ca. eodem) principium uel cadauerum mul-
titudine non crematorum fit, uel ex aliquorum
uel lacuum, uel paludum æstatis tempore eua-
poratione, uel cæno, luto, alijsque cõsimilibus,
aut à terræ specubus, ac baratris, quæ aerem
omnes nos ambientem faciliè quidem coinqui-
nare possunt, & in ipso uitium astruere, unde
pestilenter isti morbi postea nascuntur. Si præ-
terea domi quis belluas aliquas mortuas, et pu-
tredini iam uicinas, uel legumina, aut segetes
similiter putridas retinuerit, omnia etiam
hæc, sciat, in causa postea esse ut aer ille domesti-
cus coinquinetur, ac malus uel pestilens redda-
tur. sicut etiam cum in Ciuitatibus, aut uijs
earum res prauæ alicuius, & fætidæ odoris ag-
geruntur, ut lini, cannabis, coriorum, ut brassi-
cæ, arborumque erucæ, & huiusmodi, quæ in
aquis macerantur graueolentia. & sic uarijs
infinitisque quodam modo occasionibus accide-
re

Hippoc.

Galenus.

re poterit ut prædictus aer putrefiat, corrumpatur, ac pestilens omnino euadat. Nec quicquam hæsitandum erit, licet dubium quoddam appareat, quod aer (ut quidam dixerunt) nec ignis immutentur, ac putrescant, sed aqua tantum, & terra; quod quidem satis apud Peripateticorum principem uidere erit proble.

Aristot.

20. sect. 25. quoniam cum ipso met eodem Aristotele, aut uerbis potius eiusdem, quam facile à nobis dubitationem istam remouebimus, cum rei huiusmodi rationē assignat, sic dicens. quod id nullatenus eueniat ob aeris naturam, sed quia igne refertus est, qui imputrescibilis omnino existit, cum eo nihil sit calidius. quem admodum ergo qui igne refertus est aer nō putrescit, ita ob alteram ei permixtam substantiam prauam, suamque humiditatem non raro putrescere contingit; quo fit ut ipsi non repugnet Aristoteles, & à nobis remouebimus omnem non solum huiusmodi dubitationem, sed eandem etiam resoluemus, unā concludentes, quod ea prædicta uia coinquinetur, immutetur, corrumpatur, & pestiferum tandem ueternum acquirere possit. Et quamuis deinde alterum adhuc in mente remaneat dubium, nunquid aer possit in propria sui substantia, seu essentia alterari, ac putrescere, adeo ut propterea pestilens reddatur, cū ipse (ut satis patet)

inter

inter cætera corpora à philosophorum, ac medicorum scholis connumeretur: tale ita quoque dubium ex mente nostra remouebimus, & omnino conquiescemus, quotiescunq; in memoriam reuocemus, aerem, donec propriam seruat naturam, uel substantiam, ita ut prorsus purus, ac sincerus sit, putrescere nullo modo, seu corrumpi, & pestilentem reddi posse. At ubi contingat ut amplius eo modo, quo fieri possit sincerus, ac purus non fuerit, sed aliqua (ut diximus) ei permisceatur substantia praua, ut aliquis uapor putridus, uel quid huiusmodi, ex antedictis, sanè quidem credendum erit aerem non modo posse putrescere, uerum etiam & corrumpi, ac secundum totam substantiam immutari: quod uerò non solum aer, sed cætera quoque elementa (excepto igne) putrescant, ita certum esse apparet, quam quod certissimum, ut decretum reliquit ipse noster Aristoteles quar. Meteororum tex. quin. Sine igitur discrepantia aer ideò putrescit, ac corrumpitur secundum non solum eius naturam, uel substantiam, aut esse, ut ex prædicto Aristotele liquet quamplurimis alijs in locis ut probl. 21. sect. pri. & post ipsum Galenus secum de nat. hum. & 12. meth. med. pr. de diff. feb. & prius Hippocrates etiam sec. & ter. de uulg. mor. hoc idem nobis affirmat, concluditque. Nec
 B igitur

Arist.

Galenus

Hippoc.

Hippoc.
Galenus.

igitur propterea ulterius nobis dubitandum
erit, num res sic se se habeat, nec ne, postquam
et ipso sensu, rationibusque satis probabilibus,
& prædictorum uirorum auctoritate iam con-
quiescere poterimus, id ipsum concludentes,
quod & materia ipsa, ac forma immutatur, al-
teratur, coinquinatur, corrumpitur, & tan-
dem putrescit, ac uenenosam naturā acquirit:
immutatur, inquam, alteraturque non secun-
dum quorundam aeream (ut sic dixerim) opi-
nionem doctorum, qui quidem frigida, ac humi-
da intemperie coinquinari asserunt, nihil for-
san intelligentes ea, quæ tum ex Hippocrate,
tum ex Galeno relicta patent. Ipse enim diui-
nus senex secun. & ter. de uulg. mor. aerem ne-
dum in manifestis qualitatibus, sed etiam secun-
dum totam substantiam fuisse ostendit immuta-
tum: fuit etenim ne dum calida, & humida, in-
quit, constitutio, sed nebula turbida, umbrosa,
seu caliginosa, & aer multis nubibus plenus,
non lucidus nec purus, neque omnino serenus,
quemadmodum ex Galeni mente id idem colli-
gere possumus: quibus paulo post subdit eodem
lib. comm. tert. super tex. pri. & uidetur pu-
tredo ex materia quidem gigni humida, ex cau-
sa uerò efficiente extraneo, & præter natu-
ram calore. Valde itaque dictorum doctrina
decipitur, & ab istorum auctoritatibus om-
nino

nino aliena declaratur. cum quibus non haec
 nus erit disputandum, postquam satis inepte
 frigiditatem caloris loco preposuerunt; qui
 quantum ratione pugnent, facile unicuique pa-
 tet. Quamobrem absq; dicta eius putredine cre-
 dendum quoque erit nos peste intactos perpe-
 tuo permansuros, & (ut opinor) si statim a
 principio optima remedia adhiberemus, ne
 aer praedictus ulterius corrumpetur, uerum
 potius ad eius naturalem statum conuerti pos-
 set, sine magno admodum labore, uel dispen-
 dio, liberi omnes ab huiusmodi exitiosissima
 peste quiesceremus. Haec itaque, sine discre-
 pantia, prima, ac praecipua erit pestis causa,
 a qua praeter alias pene innumerabiles, altera
 antedicta humorum putrefactio procedet, ac
 interna praesertim nostrorum cordium humidi-
 tas: causas eorum retro ponentes, qui secretio-
 res his pestilentibus morbis assignant, ut apud
 Ptolomaeum, & Alkabitium uidere liquet, ac
 alios quamplurimos cum Medicorum, tum ue-
 ro Astronomorum in magnis planetarum con-
 iunctionibus, complexionibusque euenire tra-
 dentes; quemadmodum hoc etiam Auicenna
 Fen. prim. quar. tract. 4. ca. pri. pestilentis fe-
 bris causas enumerans arbitratur. Principium
 (inquit) omnium horum sunt formae ex for-
 mis caeli, facientes esse necessarium illud, cuius

Ptolom.
 Alkabi-
 tius.

Auic.

B 2 aduentus

aduentus ignoratur. Et paulo post. Oportet ut
 scias quòd causa prima lōginqua ad illud, sunt
 figuræ cœlestes, & propinqua dispositiones ter-
 restres. Quem ut potè scholæ Arabum princi-
 pem, multi non eius factionis solum, sed melio-
 rum disciplinarum cultores secuti sunt. Vt ue-
 rò illis concefferim una cum Galeno lib. pri. de
 diff. feb. cap. quar. à tetrīs spirationibus aeri
 circumfufis, & ab impuris terræ locis manan-
 tibus contagium huiusmodi procreari: sic cer-
 tè à cœlo defluere id mali admitti nullo modo
 debet. Neque ullum esse cœli, ac syderum con-
 cursum talem aut cōfigurationem, quæ pestem
 immittere in inferiora hæc quæ incolimus ue-
 lit. Quod ut non temere affirmare uideri pos-
 sim, ea potissimum adferam, quæ dicto fidem
 asserere ualeant. Non ne summus ille diuinus
 Plato (ut ab ipso incipiamus) in Epinomide
 astrorum eam uult esse naturam, ut et uisu pul-
 cherrima sit, & progressu, chorea quæ insignis,
 animalibus cūctis cōmoda præbeat: sanè quidē
 hoc totū eius uerba cōstringūt, quæ græce hæc
 erunt. ἄλλο δὲ ἤν ζῶσι γίνος ἰδὲ αὐδ' εὐτερον γι-
 γνόμενον ἄμα καὶ δυνατὸν ὁρᾶσθαι. τὸ γὰρ πλεῖστον
 πῦρ ὅς ἐχει μὲν γῆς τί καὶ ἄερος, ἐχει δὲ τῶν ἀστέ-
 ρων τῶν ἀλλῶν βραχέα μέρη. διὸ δὴ ζῶα τε ἐξ αὐ-
 τῶν παντὸς ἀπα γίνεσθαι ἤν φαίαι καὶ ὁρᾶμενα
 νομίσαι δὲ δεῖ πάντα τὰ κατ' ἐρανον ταῦτα εἶναι
 ζῶον

Galenus.

Plato

ζώον γεννῇ. ὃ δὴ πᾶν χεῖν φάναι θεῖον γένος ἄσρων
γεγονέναι. σώματος μὲν τοχὸν καλλίστη, ψυχῆς δὲ
ἀδαιμονεσάτης τὲ καὶ ἀρίστης. δυοῖν δὲ αὐτοῖς μορ-
φῶν, τὴν ἑτέραν χεῖν δόξῃ μεταδιδόναι χεδόν. ἢ
γὰρ ἀνόλεθρον τὲ καὶ ἀδανάτον ἔκαστον αὐτῶν εἶναι,
καὶ θεῖον τὸ παραπανεξ ἀπάσης ἀνάγκης, ἢ τινὰ
μακράϊωναβίον. ἔχειν ἱερὰν ἑκάστῳ ζωῆς, ἢς ἐδέν-
τικ πλείονος αὐτῶν προσδεῖσθαι ποτὲ. *Quod quidē est.*
Alterum animalium genus statuendum est,
quod etiam ἔσθι γιγνιται, et cerni potest, et ignis
quidem plurimum, terræ quoque, ἔσθι aeris, cæ-
terorumque omnium paruas particulas ha-
bens: uariaque omnino hinc animalia, ἔσθι uisi-
bilia generari dicendum, Hæc cælestia existi-
mus animalia esse, diuinum astrorū genus,
corpore quidem pulcherrimo, anima autē tum
beatissima, tum optima constitutum. His utiq;
animalibus ē duabus sortibus alteram tribuen-
dam putamus. Nam aut absque perniciē im-
mortalia, atque diuina necessario singula sunt,
aut uitam longævam agunt, singulis adeo suffi-
cientem, ut longiore nō egeant. Si igitur absq;
perniciē esse astra assignat Plato, ἔσθι sidera om-
nia diuinaque etiam, ac sempiterna, quo nam
pactō contagiosam pestilentiam his inferiori-
bus largientur? cum purissima, ætherea, ἔσθι
ab omni prorsus contagē alienissima sint? Nō
ne iterum ex eodem probare id ipsum licebit,

B 3 cum

cum inquit. τὸ δ' εἶναι τὴν τῶν ἀστρον φύσιν,
 ἰδεῖν μὲν καλλίστην, πορεῖαν δὲ καὶ χορείαν, πάν-
 των χορῶν καλλίστην, καὶ μεγαλοπρεπესτάτην, χορ-
 δόντα, πᾶσι τοῖς ζῶσι τὸ δέον ἀποτελεῖν. *Quod*
est. Hanc astrorum naturam esse, visu quidem
 pulcherrimam, progressu, & chorea optima
 utentē, oīum quæ chorearū recētissima, ac ma-
 gnificentissima quæ cūctis animalibus cōmoda
 p̄bet. Si ergo bona, atq; cōmoda impartiri astra
 animantibus cunctis soleant, sit autem bono
 malum contrarium, ipsaque pestis malorum
 omnium perniciosissimum, fieri profectō mini-
 me potest ut ab astris euenire possit. & si nullū
 sydus malum erit, quæ nam pacto mala in hac
 inferiora ui sua planè benefica ac salutarī im-
 mittent? Non ne Aristoteles etiam in lib. 9.
 metaph. cap. 10. hoc idem confirmat, sic di-
 cens? Non igitur quicquam in ijs, quæ à prin-
 cipio, & quæ perpetua sunt, malum est, neque
 error, neque corruptum, etenim corruptio de
 malis est. Mercurius quoque Trimegistus in
 Aselepio non ne talem prorsus reprobatur ine-
 ptam opinionem? *cum inquit.* Quicquid de al-
 to descendit generans est. Quod si generat,
 quod è cælo ad nos labitur, quomodo corrup-
 pere potest? Dicant obsecro Astronomiæ secta-
 tores isti, quomodo, aut quā tādē ratione hoc
 absurdum defendere possint, quid, quod stella-
 rum

Arist.

Mercur.

rum quedam sunt fortunatæ, quedam uerò in fortunatæ. Sed uideant precor quid Auerrons *Auerr.* sibi uelit cum inquit. Et ex hoc cognoscitur impossibile id esse scire, quod Astronomi dicunt stellas quasdam fortunatas esse, alias infortunatas. Id autem sciri de eis potest quasdam quibusdam esse meliores. Desinant itaque omnes, & cum ipsis una, qui eos sequuntur parum cordati Medici nobis suis fallacijs, technisque imponere; impium enim esse oportet dicere, atque nefas diuinissimis, ac purissimis existētibus corporibus corruptionis omnis, ac passionis expertibus; faterique tandem conentur nec à cælo, nec à syderibus tantum mali in mortalium perniciem deriuari, sed id omne ab impura inferiorum exhalatione manare, & in natura mortalium subesse confirment, causamque eorum huiusmodi irrideant, & tanquam ineptam postponant in futurum. Ac nobiscum una fateantur Theologorum certissimam esse cum dicunt. Dei summi, arcana uoluntate, atque inscrutabili consilio non rarò pestilentes morbos, sæuaq; contagij semina, huc ad puniendā hominum scelera, reuocandosque ad se à corruptela morum homines, immitti. Et ita cum Theologorum scholis concordantes, & medice postea causas alias inquirentes, eas tātum præponere non dubitabimus, quas superius modo

demonstrabamus. aeris (inquam) corruptionem; humorumque putrefactionem. At non propterea consequetur hanc pestilentem febrem eiusdem generis esse, cum his quæ ab humorum putredine accenduntur; quoniam perpetuo eam ab externa causa ortum ducere fas erit, quæ, aer erit immutatus, ac coinquinatus, uel corruptus: illæ uerò contra nunquam ab externis fiunt, semper autem ab internis. Præterea illæ febres, à quauis humorum putredine excitantur, ista uerò nisi maxima genita fuerit putredo generari nunquam poterit, & maxima in modum, ut potius corruptio per putredinem, quam putredo simpliciter appellanda sit. Postea id ipsum, quod in hac pestilenti febre putrescit perpetuo cordis aliquam esse substantiam conueniet, in alijs uerò febribus, quæ ex humorum quidem putredine oriuntur, uel nunquam, uel raro id euenire uidemus. Quamplurimis itæ rationibus inter se ipsas differre inueniemus. sed ut citius finem tractatus attingamus, uniuersas prætermitemus. Et causas hoc modo absoluemus, tum aeris prædictas, tum etiam humorum, semper illud concludentes, ut prima, ac peculiaris causa pestis prædictæ sit solum pessima aeris putredo, et corruptio, cum in materia, tum in forma à rebus iam superius demonstratis, cum alijs quam plurimis, quas etiā præter-

prætermittendas duximus; quibus traditis finem faciemus, & ad signorum declarationem nostra conuertetur oratio; in quibus eundem sequemur ordinem, quem hætenus in causis prædictis secuti sumus; solum scilicet ea signa demonstrabimus, quæ magis quidem manifesta nobis apparebunt. Si igitur assidue in fine ueris mala erunt tempora, hoc est pluuiæ, uel in æstatis fine absque uentorum flatibus cum uehementi admodum calore: uel si meridionales uenti flauerint, & dum non pluit turbidus tamen ac nebulosus aer conspicitur, pestilentiam futuram in fine æstatis proculdubio significabit: sicut talem inquit Hippocrates fuisse temporis constitutionem, cum in Cranone ciuitate ita horribilis, magnaue pestis ab eo descripta fuit: facile siquidem diuinus Hippocrates ante tempus à prædictis omnibus mutationibus cognouit; quod cum sic confusum tempus tunc esset, aliud nihil euenturum quidem nisi malus aliquis affectus, & cum ingenio omnia considerasset, quam optime sanè comperiit eos peste tremebunda correpturos iri. quæ postea cum eius prognosticatione statim euenit, ut idem temporibus quoque nostris euenturum opinor, ac posteriorum omnium. Aliud adhuc è cælo accipere etiam poterimus, idest cum igneæ flammæ, ac ueluti stellæ cadentes, uel cometes in aere uidentur,

Futura
pestis si-
gna.

Hippoc.

uidentur, uel solis incensus calor; quæ omnia ex immodica siccitate, uel uapore (ut sic dixerim) accenso, proueniunt, & facile aerem postea corrumpere, ac immutare possunt, potissimum autumni tempore; uel si arbores ardere uideantur; aut si à longe quicquam inspiciamus, aer penitus ptremet, ut accidit super fornacē igne refertam, certius est signum pestis uicinitatis in mortales; sicut fuisse refertur aerem anno iam elapso apud non nullos Anglorum populos, inter quos deinceps ualde horrenda quidē pestis misere uiguit; ita ut quamplurimos Londini illæsos timore tantum, ac periculi cogitatione supernecauerit; quemadmodum etiam sæpius apud Gallos uidere licet, quibus sæpius quoque pestis acerbissima resurgit. At si aer quasi puluerulentus mensibus aliquod perscueret, & sicca, crassa, ac multa nebula cum ipso uideantur, clarum etiam pestis futuræ signum ostendunt; ut sæpius illi etiam experiuntur Bisantini populi, quos pestis sæuissime continuo necat. Cumque aerem uideamus turbidum, uel nebulosum, ac utrumque autumnī, & hyemis tempore, pluuiamque speremus, nec tamen pluat; tunc etiam signum erit eius temporis temperamentum esse corruptum; quemadmodum idem euenisse; tribus ab hinc annis in Babilonia ciuitate antiquissima quamplurimi mercatores

tores nobis retulerunt. Rursus æstiuam pestilē-
tiam nobis designat pluuiæ paucitas in uere,
cum frigore multo; quibus signis cum uentus
subsequitur *Auster*, aliquotque diebus aer mo-
do frigidus, modo calidus conturbetur, uel ca-
nes etiam multi rabie afficiantur, pestem futu-
ram omnino demonstrant; sicut cum lupi per
ciuitates transcurrant, fastidiosi, molesti, ac
rabida fame oppressi, clarum etiam est nobis fu-
turi istius morbi indicatio quædam; quemad-
modum quoque multi ex antiquioribus nostris
fuisse dicunt multis elapsis iam annis in nostris
partibus apud *Felicissimi*, *Illustrissimique* Prin-
cipis nostri, ac *Potentissimi Ducis Urbini* po-
pulos, quem cum omnibus Deus perpetuo con-
seruare dignetur; incolumenq; relinquere, ut
feliciter nos omnes gubernet, cum inter cate-
ros uniuersos Principes, Princeps iustissimus,
cum omni benignitatis ac pietatis seruire no-
stris temporibus reperiatur. Afferunt itaque
seniores illi tunc temporis ualde quidem im-
pia peste diutius oppressos fuisse. Aues etiam
nobis inditium maximum futuræ pestis osten-
dunt, quoties oua, ac paruulos eorum pullos im-
maturos adhuc deserunt; serpentes etiam per
aerem apparentes, uel uermes, ranarum multi-
tudo cum uarijs una, diuersisque uisionibus si-
gna quoque manifesta nobis semper sunt futu-
ra.

ra. Alia deinde signa nobis apparere possunt, quibus in coniecturam uenire possumus pestis aduenturæ; quæ breuitatis gratia nobis prætermittentur, ut citius ad hominis correpti signorum inquisitionem accedamus. Sed quoniam in peste omnia horrendissima fieri possunt, & grauissima quæque superueniunt, nihilque in ea uelut in alijs morbis definitum est, ob id à maximis exordiemur inditijs februm istarum pe-

Quibus si silentium; quæ quidem maxima aut à calore, gnis iam uel pulsu, uel urina, aut ab omnibus una sumuntur. Calor si quidem harum februm ab alijs hominē peste oppressum per putredinis copiam differt, ut tangentibus pressum nobis eos cognoscere liquet, postquam nunquam cognoscamus. calidi ut perurant apparent, & extrinsecus in extremis eorum partibus tactu perfrigescent, licet interius magno flagrarint incendio; ut li-

Galenus. quet etiam ex Galeno sext. de uulg. morb. com. pri. super text. 29. in ea peste euenisse, quam

Thucidi- Thucidides descripsit; quibus adeo interiora des. urbantur, ut neque ualde subtilium uestimentorum, neque linteolorum uelamenta, neque aliud quicquam præter nuditatem ferre possent; quamuis exterius corpus tangenti ualde calidum non erat. Aliud deinde sequitur signum antequam ad pulsuum signa perueniamus, quod erit ut omnes totius corporis grauitas permagna tunc opprimat, cū sudore quodam

dam fœtido, ut plurimum lassi, segnes, uel son-
 nolenti uidentur, cum respirationis quoq; diffi-
 cultate, ac maximo quodam anhelitus fœtore,
 sapissimæque oscitatione. quos uerò si Medi-
 cus manum super pectus imponat ut febris ca-
 lorem dignoscat, calidos magis ibi eos inuene-
 rit, quam alibi per totum corpus. Deinde uel
 breui, uel nunquam sine capitis dolore reperiri
 tur; quos etiam si conspexeris iratos quodam
 modo iudicaueris, continuoq; color uarius, siti
 bundi, facile uomentes, difficulterque cibum
 retinentes, cum oris, ac linguæ amaritudine,
 nigredine, uel citrinitate, ac siccitate. Pulsus
 postea adsunt omnino frequentes, celeresque sæ-
 pius, non autem præualidi, sed quibusdam im-
 becilli, manifestiusq; celeritas cōtractionis per-
 cipitur; quibusdam uerò aderunt pulsus ferè
 moderatis similes, parumque præter naturam
 immutati, ac in eodem statu perpetuo perma-
 nentes. Urinæ non semper eodem modo uide-
 buntur, sed aquosæ, tennes, biliosæ, ad nigredi-
 nem interdum tendentes, ut Paulus Egineta
 inquit lib. sec. cap. 36. ac conturbatæ, aut qui- Paulus
 busdam crassæ, subfœtidæ, uel omnino sanorum Egineta.
 similes colore, crassitudine, ac sedimento; quæ
 inter omnes exitior est, uel quoque superius cir-
 ca coronam (ut sic dixerim) quædam subliui-
 da quodammodo apparent, ac fugiunt; & item
 aliæ.

alia, quæ aranearum telas ueluti latas referunt, uel campanulas quasdam intus conspicies, ut si oleum proieceris; at si quid huiusmodi animaduertas, aut nullum planè sublimamentum in natare, urinis in deteriore omnino partem
Galenus interpretare, ut Galenus inquit tert. de præ- sag. ex puls. cap. quar. Verum ex urina in eiusmodi febribus; præsertim ubi corpus cordis occupauerit firmam notitiam petere semper non licebit, sed certiora queramus signa. Apparent deinde per uniuersum corpus affectum pustulae quædam pestilentes, ut sunt carbunculi, ac praua alia ulcera, & perniosa in facie, tonsillis, aut sub alis, aut circa inguina, ac in
Aetius reliquo corpore, ut illud idem recenset Aetius
Paulus lib. quin. cap. 95. ac Paulus libro iam prædicto. Aliquando quiescere nullo modo possunt, incidunt in syncopim, seu animi deliquium, ac sepius si sudant, sudorem frigidum sudant: cum uomuerint, materiae quædam erunt coloris uariæ, præsertim ad nigriorem uergentes: si per secessum talem habeant fætentem materiam, aut uiscidam, uel breui morituros eos existimato, uel nullatenus euasuros, nisi ope tantum diuina; nam ut perbelle inquit Galenus citato loco ca. ter. quam excogites medicinam ad putredinem, quæ cor occupauerit? quibus pestilentibus signis aliud tandem superaddemus, & postea

postea ulterius progredientes ad curationem,
& reliqua perueniemus. si nigram igitur, aut
plumbeam, putridamve habeant urinam: ac
fœtentem anhelitum, torporem, seu spasmus,
istos quoque mors cito inuadet. Et licet mul-
tis adhuc signis cognoscere possimus, & pestem
ac peste correptos; nobis tamen sat fuerit ea
tantum enarrasse, quæ nos manu ducere possunt
in aliorum perfectam cognitionem. & ita si-
gnorum declarationem absoluemus, postquam
dictum est eam dignosci ex febris maligno mo-
re, uomitu, angustia, conturbatione, animi deli-
quio, pestilenti aeris statu, à quo multi eodem
morbo corripuntur, ac alijs plerisque. Sæ-
uienti igitur morbo confestim nos occurramus,
quod procrastinatio in talibus morbis mortem
adferre soleat; unde est illud Hippocratis aph.
10. lib. quar. medicare in ualde acutis morbis
si materia turget, eadem die, tardare enim in
talibus malum. Sed ad alia iam accedamus, id
unum tamen non relinquentes, quod homines
pestis magis obnoxij sunt habentes humores
crassos, uel prauos, aut multos, & sanguinis
copiam, suntque præcipue pueri, & adolescen-
tes, nubiles puellæ, & qui temperaturæ sunt ca-
lidæ, & humidæ; deinde qui calidæ ac siccæ, uel
frigidæ, ac siccæ. Qua propter hi omnes inter
alios cauere magis debent, ne multum in locis
maneant,

Hippoc.

Quandiu
pestis per-
duret.

maneant, ubi magna sit aquarum copia putri-
darum, uel ubi multa sint cadauera licet sepul-
ta, uel in satis uaporosis locis, ubi facilius or-
tum ducere hæc pestis potest. Pestis præterea
ut plurimum ultra triennium non sæuit, uel du-
rat, aut quia tamdiu aer ipse, cum sit læuissi-
mæ substantiæ, ulteriorem putredinem pati
non queat; uel quod tandiu non habet in quos
sæuiat. Lutetiæ tamen Parisiorum, ubi alias
aliquandiu istis studijs operam dedi, continuo
aliquem reperies peste correptum, nec unquā
penitus desinit, ita ut iam minus multi ti-
meant, quam capitis minimum dolorē; annisq;
singulis in cælestis Piscis coniunctione, ac So-
lis cum Luna oppositione, & quando Sol sub
Saturni, ac Martis quadrangulum transit, re-
surgere semper uidetur, & crescit, sicut ubiq;
id euenturum peste uidebis; deteriusque nos
tractat in Solis ortu & occasu, quàm medio
die, ac media nocte, ut id totum tot Parisien-
ses probare possunt, cum eis una, qui ordine,
ac methodo pestem curarunt; sed tamen si in-
ter eos continuo duraret, ac sæuiret, ut ea dura-
uit inter Anglos Londini, ubi mille quandoq;
in hebdomada occidebat; certe credendum est
quod diutius nō perduraret. et sic causis, signis
ac rebus alijs prædictis iam finem tandem im-
ponamus, ordinemque, uel modum, & metho-
dum

dum nos quoque curationis ponamus, ut liberi
 ab hoc contagioso morbo liberi maneamus,
 alios curemus, correptos, ceterosque sanos præ
 seruemus. Ergo si pestis uis locum quempiam
 occupauerit, tractumue terræ aliquem, proti-
 nus periculum subesse constat, ne labem eam ae-
 ris inquinati attractu contrahant, qui ibi de-
 gunt homines. Quod ne fiat, prima, præcipuaq;
 ea cautio fuerit ut aerem putridum summo-
 ueamus. Quoniam (ut Galenus inquit pri. de
 diff. feb. ca. 4.) huiusmodi pestilentes febres ne
 que simplicem habebunt curationis indicatio-
 nem, quemadmodum de ceteris febribus, quæ
 ex humorum putredine fiunt, sed geminam:
 alteram nempe, quæ ex ipsa febre præstatur;
 alteram uerò, quæ ex putredine sumitur; quā-
 uis putredo primo sananda sit tanquam fe-
 brium causa, nec interim febris, quæ per eam
 accensa est ratio, non erit habenda, modo uires
 ualeant, & si in idem consentiant, quæ febrem
 extinguunt, & putredinem auferant, sine cun-
 ctatione id agendum erit. At cum putredo in
 his febribus non ex quapiam interna causa sed
 ex putrido inspirato aere originem ducat, huic
 primo prospiciendum erit, ne & putredinem,
 & febrem amplius in corporibus efficiat, atq;
 augeat; deinde quicquid eorum iam factum est
 summonere tentandum. Aerem itaque purifi-
 cabimus,

Pestis cu-
 ratio.

Galenus.

Hippoc.
Galenus.

cabimus, atque putridum dissipabimus extinguemusque, multo ex odoratis lignis accenso igne, quod in magna illa pestilentia ex Aethiopia in Graciam populariter saeuiente fecisse Hippocratem scribit lib. de Ther. ad Pis. Galenus. Sint autem ligna odorata, & quæ igni admota suauissimum spirent odorem, qualia habentur libanotis, quem rorem marinum uocant, laurus, iuniperus, quercus, agallocū, lentiscus, hyssopus, maiorana, salices, genistæ, & eius generis alia; uel species quædam aromaticæ, quæ spiritus quidem corroborarent nostros; ut sunt cinnamomum, chariophylli, iuniperi semina, lauri bacca, ualerianæ grana, spicæ nardi, cubebe, myrrha, styrax, ladanum, citri cortices aridi, limonumque, lignum aloes, laser indicus, olibanum, muscum, gallia moscata; omnibus tritis, & in puluerem tenuissimum reductis, ex qua florum citri infusionis tragacanthi effictis pastillis, ac igni subditis, aerem præstat euaporare, uel ita omnia hæc grosso modo contrita in ignem proijcere. mortuorum cadauera statim remouenda erunt, si adsint insepulta, ac singula uel sepulcris tradere, uel potius comburere opus erit. Et sic omni cura studebimus omnia quæ superius coinquinare, ac pestilentem aerem formare diximus, quamprimum euellere,

euellere ac remouere, ut commodius, tutius, ac
 facilius ad humorum internorum putredinis
 curam accedamus. Quoniam uerò præcipuas
 in morbo leuando, ac humoribus corrigendis,
 aeris attracti qualitas partes habet, prouiden-
 dum ut qui ab egro inspiratur aer, purus, &
 ab omni inquinamento liber, probeq; perfla-
 tus, & aquilonibus expositus sit: talis enim sa-
 luberrimus esse, uel omnium autorum senten-
 tia existimatur. Quamobrem præstandum id
 erit, ut primo ex ædibus omnia putrida aufe-
 rantur, uel quæ facile putrescât, cloacæ sæpius
 mundandæ, & nullo pacto ferendum erit ut
 animalia mortua ibidem retineantur, uel simi-
 le quidpiam mali odoris. Quod si aliqua causa
 id fieri prohibeatur; citissime quidem curanda
 est fuga, & loci permutatio. si enim aer ipse pu-
 tridus erit in causa totius contagionis, optimū
 sanè fuerit celerrime fuga se proripere. quod
 quidem iubet Hippocrates lib. de nat. hum. &
 ad longissima inde loca, eaque saluberrima se
 transferant, inde minime de reditu cogitantes
 quam tota uis morbi dissipata, extinctaque fue-
 rit. Quod quidem uulgus obseruans his tribus
 aduerbijs quasi compendio Hippocratis mentē
 explicans, uice prouerbij utitur Cito, Longe,
 Tarde. Cito inquam fugiant pestiferum pericu-
 lum, ne diutius immorantes malum hūc mor-
 bum

Hippoc

bum acquirant; cumque citò discesserint, mini-
 me redeant donec periculum se se offerat; &
 perinde domus in qua postea æger decūbet eli-
 genda erit uersus sita Aquilonem, in loco non
 utique cauo, qui nullum percipiat perflatum,
 sed elato: sint tamen fenestræ clausæ quodam-
 modo, ne multus, & pestilens aer ingrediatur,
 præsertim si quæ erunt uersus Austrum. Quæ
 uerò ad Aquilonem sunt positæ, interim pate-
 re conuenit, ubi potissimum aer clarus, ac sere-
 nus fuerit. Turba quoque hominum tunc tem-
 poris quantum fieri potest, ingredi prohibea-
 tur; nam præter id, quod aerem pestilentem se-
 cum trahunt, domum etiam calefaciunt. Pul-
 ueres etiam, ac fumus euitandus erit; nam ita
 perambulantes, dictus puluis eleuaretur, &
 auxilium aeri iam putrido præstare possit,
 eiusque corruptas uires conseruare. Præterea
 qui contagione nocent morbi, & pestilentes
 sunt, cum totius substantiæ morbi dicti sint,
 (sicut superius dictum est) præsidij itemque
 indigent prædictis, quæ quidem tota substantia
 ijs aduersentur non qualitate ulla elementari.
 Tam & si pro ratione superatis in morbo qua-
 litatis, contrarijs etiam qualitatibus pugnan-
 Galenus. dum sit; ut & Galenus commento secundo ad
 Taulus. librum de natura humana, & Paulus Egineta
 libro secundo capite trigesimo quinto docere
 uidentur,

uidentur, ut si intemperies calidior fuerit, refrigerantibus utamur; si frigidior calefacientibus; uti si humidior siccantibus; si iusto siccior contraria qualitate uincentibus medeamur. Sed hoc aduersus qualitates manifestas pugnare est, non morbum, qui tota sua substantia le-
dit corporisq; nostri substantiam depascit curare, quod pestilens sit, & aliquid contineat substantiæ nostræ aduersarium, atq; corrumpens; ac proinde remedijs opus est, quæ proprietate substantiæ delcere pestis contagiosæ uim possint. Domum itaque renouemus, ijs cum rebus, quæ uim quidem exiccandi habeant, neque ut interpretes quidam dixisse uidetur ex sententia Auic. cum refrigerantibus, ut apud ipsum uidere liquet lib. quar. Fen. pri. Tra. quar. cuius explanationem quantum ampliore reddiderit Clarissimus, eruditissimus, ac Diuinus quidem ille Paternus, iudicent peritissimi ubique homines, eique gratias meritò omnes agamus. Postquam dixit textum ipsum uel diuturnitate corruptum esse, uel male ab eodem interprete percognitum fuisse; quod ita uerum est, ut probatione magis, quam prædicti Fidelissimi Præceptoris mei auctoritate non egeat. Obstat igitur calidæ, ac humidæ intemperiei, quæ malam nobis aeris dispositionem porrigit, ea, quæ prædiximus aperte demonstrant. Quod

cum ita sit, ea omnia quæ superius posuimus, nobis ualde erunt accommodata, quibus & nos addemus, ut sæpius domus hæc aspergatur aqua rosacea, aut aceto rosaceo, uel utrisque simul permistis, aut humi rosæ plurimæ, uiolæ, nenufaris flores, seu myrti substernantur. In reliquis uerò ædibus, aulæ in qua æger iacet quotidie ignis succedatur ex optimis atq; odoratis lignis, ac res etiam aliæ aromaticæ dictæ; ut si hyems fuerit ex styrace, lasere Indico, agalloco, moscho, olibano, ladano, gallia moscata, citri corticibus aridis, charyophillis, sampsyco, omnibus (ut supra etiam dictum est) tritis, & in tenuissimum puluerem reductis. Item ex libanotide, lauro, iunipero igni admotis suffire licet. Aestate uerò cubiculi solum sternatur myrthi folijs, citri mali, ac floribus. Inuenerit etiam ex redolentibus pomis putamina accepta, cum rosis aridis ignibus admouisse: rosas item, uiolas, odoratosque flores multos in cubiculo contineri utilissimum: irroretur cubiculi pauimentum, ac parietes etiam ipsi sequenti aqua. Accipe aquæ rosarum, lib. aquæ myrti, & florum citri ana. lib. i. aceti ros. albi libræ dimidium, uini cretici. 3. iij. omnium santalorum ana. 3. i. camphoræ. 3. i. omnibus simul mixtis probeq; inuicem agitatis irrorentur cubiculi partes. In summa id cauendum

dum ne calidus, & humidus aer sit, sed frigidus (ut diximus) potius, ac siccus; ne caliginosus, conclusus, teter; sed purus, liber, suavis. In hunc etiam usum confert si eadem domus hoc alio decocto inspargatur. Recipe rosarum rubearum manip. i. santalorum omnium drachmas iiij. florum nenufaris, & uiolearum ana manip. β. bulliant in sufficienti quantitate aquæ, & addita quarta aceti parte, utare. quæ quidē omnia cum fecerimus, satis sanè sufficient ad aeris prædicti coinquinationem corrigendam. & sic deinceps ad aliam perueniemus humorum causam; hoc est primum. Cibi sint, qui & Cibi quales.
 optimum succum generent, & facile conficiantur, & putredinem horum arceant, ut & uirtus refici, & resistere pernicipi cibo instaurata possit. ob id ad cibum cogendi sunt, qui pestilenti lue corripuntur, quod in eo affectu prosterne plurimum appetentia soleat: quæ nisi congruo cibo reponatur, mox concidit uirtus. Ob id restrictissime id dixisse Auicenna lib. Auic.
 quar. Fen. pri. quar. tract. cap. quar. est uisus. Plurimos eorum, qui uiriliter agunt, & se se ad cibum inuitant, à morbo liberari. Pane Panis
 itaque, ac uino utatur bono, ac ab omnibus ma qualis.
 lis qualitatibus libero, ac sincero. herbis quoque; mollioribus, ac minime obduratis: cibos præterea assumant cum uiribus concordēs, hoc est

Ciborum
quātitas
unde su-
menda.

Hippoc.

Galenus

tanta eis cibi quantitas exhiberi debet, quan-
tam vires exigunt; illud semper considerantes,
ne nimio cibo eos strangulemus, uel saltem pu-
tredinem, ac humorum corruptionem augea-
mus. Quo circa corpora, ut perbelle nos do-
cet Hippocrates lib. sec. de nat. hum. extenuan-
da erunt, habita (inquam) ratione ut vires ser-
uari possint usque ad morbi summum uigorē,
& ubi non ualeant una uice uel duabus in die,
eam cibi quantitatem euincere, ac concoquere,
in plures tum diuidenda erit, hoc est ter, &
sepius, sed parum, cibus exhibendus erit, quem
admodum docet idem Galenus com. 17. aphor.
lib. pri. Vt tantur itaque, iure ex caponum, alti-
lium pullorum, perdicumve carnibus parato,
in quod oxalidis, buglossi hortensis, intybi, aut
lactucæ folia indantur. Intinctus fiant ex om-
phacio, rosaceo aceto, oxalidis uel punicorum
malorum succo. Sed omnia citri, uel limonis
succus bonitate, & uirium præstantia, in pellen-
do ueneno superat: quo ne dum in cibis, sed &
in iuribus quoque ipsis, atque etiamnum aqua
saccharatæ pro potu immiscendum puto, ac
consulo. Istæ enim omnia putredini arcendæ,
seminarijs pestilentibus frangentibus, atque al-
terandis, principibusque partibus confirman-
dis optimè facere, usu exploratum, ac depre-
hensum est. Vinum pro potu utique dandum
est

est tenuē ac odoratum, album, atque paucife-
rum, fontanaque aqua dilutum; idque ubi quie-
ta, ac mitis febris apparuerit. alioquin potus
sit aqua frigida, affatim, copioseq; hausta, præ-
sertim si eger ardore æstuet, ut Paulus li. sec.
cap. 36. ac Auicenna præcitato lib. copiosè do-
cent. In maiori tamen parte pestilentium fe-
brium, ego abstinerem à copioso frigida potu,
quoniam licet sua aqua frigiditate ardorem
compescere possit, humiditate tamen sua ni-
mia augere putredinem, atque obstructionem
crudiores reddere, qui propelli debet, humo-
rem, viresque deicere, solet. Aqua uerò cum
utendum est, illi admisceantur, quæ ueneni uim
retundere facultatem habent: qualia sunt pa-
ratus ex succo limonum syrupus, aut de duo-
bus granatis, uel ex oxalidis succo; proderitq;
plurimum si aquæ immadeant folia aliquot oxa-
lidis: nam præter id quod gratam gustui reddunt
potionem, salubrem etiam, & uenenis aduer-
santem efficiunt. Plus in uigiliam, quam in
somnum inclinent ægrotantes, modo uirium ra-
tio habeatur, ne nimia uigilia labascant vires.
Cauendus igitur immodicus erit somnus cum
humidiora corpora reddat, sicut uigiliæ siccio-
ra & imbecilliora ubi modum excefferint. Mo-
tus quoque sit temperatus, quoniam febrienti-
bus haudquaquam conueniens est, tanquam ca-
lorem

Paulus.
Auic.

Somnus,
et uigilia

Quies

lorem in corpore augens, atque frequentius infectum ac uenenatum aerem inspirare maxime cogitur. Corpore igitur, ac animo potius quiescant, nec tamen ociosi, sed uoluptuosis rebus omnino incumbant, ut continuo contagiosæ pestis cogitationem animo expellant. *Viuant itaque omni conatu sine ullo penitus timore, speque sint bona, fiducia in Deum animum foueant, nec mali formidine terreantur. Qui enim animo forti, infractoque sunt, hi bona ex parte morbo superiores euadunt: ut cōtra qui meticulosi, pusillanimes, diffidentesve fuerint, uinci protinus à malo consueuere. In summa strictissima uiuant ratione, & plenitas omnis, ac redundantia desit: quæ si forte adsit, primo lenibus clysterijs tollatur aut siliqua Aegyptia, sirupove rosaceo, aut melle aereo deuora-*

Quæstio tis. Sed iam ad alterum scopum uacuandi *de sanguini* minaria morbi stylum uertamus. In quo quæri *nis missio* illud in primis solet, sit ne aut sanguine misso, *ne.* aut purgantibus medicamentis in pestilenti affectu uacuandum. Galenus lib. pri. de diff. feb.

Galenus cap. quar. certè in pestilenti aeris statu, quæ corpora superfluitatibus redundare animaduvertebat purgationibus ea sanare studebat: Quarto tamen de sanit. tuenda manifestè omnino nos docet, ut quod alienum à natura sit, ut amplius ad primam humoris bonitatem redire

dire non possit educamus, & illud primum ten-
 tandum esse. Paulus quoque lib. sec. cap. 36. *Paulus*
 in sanguinis redundantia secandam uenam pe-
 ste correptis iubebat, uti & purgandum, tum
 ijs, quæ à toto corpore superflua educunt, tum
 ijs, quæ urinam mouent, & (si pituita in uen-
 triculo redundauerit) uomitionem excitandam
 consulit. Aetius etiam per uenæ sectionem ten- *Aetius*
 tandum esse docet quod putrefactum est eua-
 cuare, et ob id potissimum ubi sanguis abundet
 statim uenam secandam dicebat. Hippocrates *Hippoc.*
 quoque quart. de rat. uict. in acut. in acutissi-
 mis morbis uenā internam dextri cubiti secā-
 dam esse ait. Idemque Arabs Auicenna pesti *Auic.*
 lentis febris curationem docens lib. quar. Fen.
 pr. tract. quar. ita inquit. Summa curationis
 earum est exiccatio: & illud cum phlebotho-
 mia, & solutione uentris. Et oportet (subdit)
 ut incipiatur in ea ad euacuandum. Si autem
 materia uincens fuerit sanguis fiat phleboto-
 mia; et si fuerint humores, alys euacuētur. His
 autorum præiudicatæ auctoritatis sententijs,
 uacuandum esse in pestilenti affectu, seu sangui-
 nis missione, si plethora adsit, seu purgantium
 medicamentorum auxilio, si cæteri uincant hu-
 mores, perspectissimum haberi potest. Sunt ta-
 men hoc in loco dissidia, neque ea quidem me-
 diocria. tum enim de uenæ sectione ambigitur;
 an

an in pestiferis febribus conueniat, tum etiā de purgatione. Qui mittendum nō esse sanguinem putant, hoc potissimum inniti uidetur, quod ubi corruptio tota citra plenitatem, ē contagione, & seminarijs inquinatis dependet, tum profecto materiæ inquinatæ non esse sanguinis missione, aut purgante medicamēto, quod delectu trahat, uacuationem moliendam, & pro comperto (inquiunt) haberi debet, & cum Galeno lib. 6. de sanit. tuen. experientia normæ uice habenda sit (aiunt) in ijs, quæ ægris accidunt; exploratumq; sæpiſſime eſſe in pestilentijs bonam eorum partē quibus detractus fuerit sanguis, aut in grauiſſa discrimina lapsos, aut mortē paulo post obijſſe: & quibus missus non fuerit, bona ex parte euasiſſe, atque omnino inutilem in eiusmodi sanguinis missionem fore confirmant, ac proinde neque laborantem adiuuare, neque morbum leuare; sed cōtra grauius ægrū offendere, et morbum truculentiores, citiusq; interimentem reddere uolunt: idque perpulcra, optima, ac probabili ratione ostendunt, quod exagitata sanguinis missione perniciēs extrinsecus in nos demissa, uacuato sanguine, & spiritu, promptius in pulmones, cor, uenasq; permeet, ac deferatur, maioreque impetu inualeſcat patefacta ad internecionem uia. Quorum ratio manifesta quidem uidetur, licet alijs
adhuc

adhuc rem ipsam aperte confirment, cum præsertim hoc quoque asserant, quòd sanguis secta uena exagitatus, promptius morbidam excretionem contrahit, quæ docta Galeni sententia Galenus. confirmatur lib. quin. de sympt. caus. cap. quin. ob id scilicet, quod noxium omne quiescens, cōsuetudine quadam nobis familiare efficitur.

Vnde assuesactum corpus, aut nullam, aut certe minime noxam percipit: motum uerò, & agitatam, in partesque sanas impetu latum, illas afficit, & pro sui ratione in contrariū quendam statum immutat, tumque non sanas tantum partes, sed & eas, quibus per quietem familiare factum fuerat, fatigatione, & alteratione sui generis propria, hoc est perniciosa euertit. & (ut Aphrodiseus Alexander tradit) mota, sollicitataque flamma seipsa calidior euadit: aer autem motus, atque diuerberatus, frigidior. Quod cum ita sit (inquiunt ipsi) cum uena exagitetur secta sanguis, profectò tetralue infectus, magis agrum uexabit; perinde atque aqua, uel fel, uel aloë sit admixtum, amara magis fiet si agitetur, quam si consistat; quod experientia docet. Addunt etiam sanguinis missione uires ualde exhauriri, ut minus postea sanienti morbo resistere queāt. Hæ quidem istorum rationes docent à uenæ sectione abstinendum in pestilenti morbo; præsertim

Alex.

si

si morbus iam extra initij fines fuerit, & radi-
ces iam altas egerit. Sed iam de prædictorum
perpulcra opinione satis. Nunc ad eorum de-
clarandam perueniamus rationem, qui omni-
no uenam secari iubent. Qui igitur mittendum
sanguinem putant ex sententia etiam Hipp. ac
Galenī, aliorumque doctissimorum inniti uiden-
tur, quod cum magnus quidem sit morbus, ex-
tremis autem morbis, extrema remedia con-
ueniant, præsertim uerò ex hijs uenæ sectio est;
quam etiam in magnis morbis Hippocrates
probat quar. de rat. uict. in acut. tex. 19. Item
quod in omni febre putrida saluberrimum esse
uenam secare ait Galenus. 11. meth. 7. et 3. de
Paulus. uulg. morb. ca. 26. Paulus quoque, ac Aetius,
Aetius nec non Auenzoar assentiunt, & Rasis, ac alijs
Auen- plerique tum ex nostri temporis Doctores pe-
zoar. ritissimi, tum maxime antiquorum tempesta-
Rasis te; nec præterea cōcordari possunt adinuicem;
adhucque sub iudice lis est. Hæc igitur de præ-
positis rationibus, & quæstione dictarum par-
tium quæ quidem ultro, citroq; perpetuo trās-
ferri uidetur. Pro qua tamen rixa cōcilianda,
si quod distante ratione, & astipulante expe-
rientia à nobis, uel ab alijs obseruatum est, ipsi
proferemus; uolumus tamen in re adeo pericu-
losa, tam sententiam nostram, quam dubitandi
rationem protulisse. Vrgent profectò utrinq;
rationes,

rationes,urget experientia . Obseruatum est a multis in pestilenti constitutione , quibus secta est uena conualuisse , sæpe etiam interuisse . Iulius Borgarutius Frater,uir quidem nostri temporis, & scientia , & usu rei medicæ peritissimus,quum anno iam elapso , quo nouissime per totam ferè Angliam pestis grassabatur,Londini medicinam faceret , ausus primus omnium uenam morbi initio in his tundere , felicissimo euentu, & magna cum sui authoritate,inueteratam iam cōtrariam opinionem euertit . Alij tamen tunc temporis alibi locorum , quibus sanguis missus fuerat interuisse omnes obseruant, uiri alioqui diligentissimi . Relatum nobis quoque est hic Patani à nobilissimo,ac eruditissimo legis utriusque , Domino Francisco Gerondano Patritio Urbinate , quod alias multoties audiuerit ab excellentissimo,Domino Hieronymo Seraphino Medico Præstâtissimo,quo tempore Urbini,ac fere per totam Italiã pestis grassabatur,nunquã uena secta usum fuisse, & recte tamen ei semper cessisse . Ita ut si tum rationes,tum experientiam spectes,statuere nequaquam possis utrum agas . Breuibus tamen nos ex omnium prædictorum sententia rem ipsam explicare conabimur . Vt si magna plenitudo subsit,uirium robur, & florès ætas, sitque adhuc in initio morbus,mitti tum absq; periculo

Iulius
Borgarutius.

periculo sanguis possit, ac in primis illis diebus
 nulla expectata coctione, quoniam neque omni
 no euinci, aut concoqui quod putrefactum, ac
 corruptum est in his febris à natura ualet,
 euacuare tentandum est. Quod quidem ut tu-
 tius fiat uenam internam dextri cubiti secabi-
 mus, nam uelocissimè, et plurimum ex his, quæ
 principes sunt partibus, uena hæc corpus ua-

Hippoc. cuat. una itaque cum Hippocrate, & Galeno
 Galenus. quarto de rat. uict. in acut. com. 24. in acutis-
 simis morbis hanc incidendam cōsulimus; qua
 secta, eam, quæ sinistri cubiti interna est, uenā
 iterum secabimus. neq; enim simul multa san-
 guinis copia in his febris extrahenda erit,
 ne uires postea labefactentur; & ob id tutius
 erit uenæ sectionem repetere, quam simul mul-
 tam copiam sanguinis euacuare; & præsertim
 per prædictam sinistri brachij uenam, ut quæ
 magis è directo sita sit ipsi cordi. Nec aliud
 aduertendum uenit, nisi sectio uenæ humeralis,
 quæ quandoquidem secanda erit, tum præci-
 pue, ubi uel pustula, uel quid simile post aures
 apparuerit: uenamque prædictam internam
 incidimus, ubi morbus sub alis, poplitis, seu
 malleoli uena ubi in inguinibus bubones appa-
 reant; dextra tamen ubi in dextra, & sinistra
 ubi in sinistra bubones emerferint. Quas uenas
 ac partes prædictas satis claras in libris no-
 stris

stris Anatomica Contemplationis demonstra-
uimus, ut quilibet cognoscere poterit. Facta
igitur in principio (ut diximus) morbi euacua-
tione sanguinis, statim ad corpus purgandum
accedemus, eodem modo negotium perscrutan-
tes, quo, de uenæ institutione docuimus, hoc est
ut principio hoc morbi faciamus. Cum enim iā
sparsa contagiosa pestis fuerit, & seminaria
morbi latè diffusa, nihil quicquam aut uenæ se-
ctio, aut purgatio, quæ ualidis medicamentis
fit, prodesse potest; at longe magis nocere his,
quas antea attulimus rationibus. Id ergo in
uniuersum obseruandum, ne medicamentis pur-
gantibus ualidis, uenenatum humorem educe-
re satagemus, (magis enim tum irritatur, ut
experientia docet) sed placidis, & mitibus
agamus: quæ educere modicè noxium humo-
rem, non exagitare possint: qualia sunt siliquæ
Aegyptia, mel aereum, syrupus rosateus, ra-
dix barbara, ex decocto acetosæ, scabiosæ, bu-
glossi, & florum communium exceptis, adie-
cto aliquo ex antidotis, quæ infra memo-
rabimus. Vel etiam postea mane accipiemus
3. i. pillularum communium ex loto aloe, uel
ante capiemus, uel post ptissanæ parum, aut la-
ctis seri, aut decocti acetosæ, & pro ut uires,
temperamentum, ætas, & reliqua postulaue-
rint dosim eorum augere, ac minuere poteri-
mus,

mus, singulisq; septimanis idē repetemus semel aut bis, uel ter ad summū alternis uidelicet diebus. Sed si nullū daretur cōmodum quo res prædictas minime habere possemus, utile ēt admodū fuerit loco pillularum exhibere 3. ij. uel aureos tres, spumæ (ut sic dixerim) illius, quā uinū in dolio cōiunctā relinquit, tāsū uulgo ab Italis dicta, siue Allume di botte, qua fiat subtilissimus admodum puluis, & cum uino in formam reducatur sirupi, aut electuarij, & quod docuimus modo eas drachmas capiat aeger, tanquam utilissimum remedium, & experientia comprobatum. Percommode enim purgandi uim habet, nec calefacere facultate potest, & morbo huic conuenientius fuerit. Quāquam bonum etiam sit rhabarbarum, agaricū, sena, epythimum, mirabolani, cassia fistula, saccarum uiolaceum, tamarindi, rosarum rubearum succus, atq; huiusmodi, è quibus ea, à Medico seligenda erunt, ac inuicem componenda, quæ ipsi pro ratione redundantium humorum conducibilia esse uidebuntur. Capiemus quoque, pro pueris præsertim, mannam cum Galeni oximelite, uel cum hordeacea aqua, aut ptisanâ, aut aqua rosacea, uel lacte. Postquam itaque omnia prædicta fecerimus, tum ad aeris putredinem expellendam, cum etiam ad humores corporis corrigendos, tempus quoque opportu-
num

num iam erit ut spiritus labefactos roboremus, & suffumigijs cum antedictis rebus, & remedijs, quæ subscribemus: nunquam tamen desistentes ab aeris reparatione, at prædictos spiritus augendo, cum humorum continua diuersione. Sed hoc primum inspiciendum erit, memoriaque semper teneamus quod ubi putridus, ac pestilens inspiratus aer, uniuersus ad partes solidas cordis, aut eiusdem spiritus deflexerit, neque uenæ sectione, neque purgatione utendum est, neque ijs, quæ sudores, aut urinas cient, sed cæteris potius medicamentis alterantibus intus, & extra. neque etiam eandem legem obseruabimus in educendis eiusmodi uenenatis humoribus, ac in cæteris, ita ut concoquendi, ac præparandi prius sint, neque natura post coctionem, & secretionem eos excernere tentat, sed cum omnino alieni sint, atque uenenati, eos quam primum expellere conatur; & propterea etiam indiget aliquo confestim manum porrigente. Modo, his relictis, ad cor iterum conuertemur, quod cum uentriculo roborare statim debemus, & si tempus frigidum esset caryophyllis nihil est præstantius, ut si unum, atque alterum, uel cinamomi etiam tantillum ore æger retinuerit, aut quidquam ex rebus iam prædictis. Aere uero existente calido idem coniungas cum rosis, uiolis, santhalis,

uel maceres cum aceto aut simplici, aut rosa-
 ceo; quæ quidem magnum præstare possunt au-
 xilium. Tutum etiam quodammodo esset feni-
 culum recens continuo ore continere, aut
 olfacere, uel anisum, uel enulam campanam
 cum saccaro conditam, uel melle, uel uino sal-
 tem commixtam, siue acetoso aceto. Bonum po-
 stea fuerit, ore nucis glandis quantitatem po-
 nere oppiati illius, quod infra adnotabimus, aut
 trociscorum, uel rotularum, quæ etiam postea
 describemus; & in summa amara omnia, quæ
 putredini resistendi uim habeant, & uermes in-
 tra corpus necare ualeant, proprium, aptūq;
 hic locum possident, ut sunt radices, folia, flo-
 res, semina, ac fructus cardi benedicti, ruta, sa-
 licis, hyssopi, camamille, fumusterræ, enula cā-
 panæ, centaureæ, radices gentianæ, rhabarba-
 rum, myrrha, aloes decoctum, persicorum, ce-
 rasarum, ac prunorum nuces, amygdalæ ama-
 ræ, & alia huiusmodi similia, quarum partem
 conseruabimus in formam opiati, uel cōseruæ,
 ac partem aceto communi, uel rosaceo quoq;
 conseruabimus. atque huius mane quotidie ie-
 iuno adhuc stomacho cocleare unum, atque al-
 terum exhibere poterimus. Probant etiam
 multi, & apud quamplurimos Galliæ populos,
 apud quos diu habitauimus, mirifice observa-
 tur, tempore pestilenti accipere omnibus die-
 bus

bus prope auroram, ieiuno etiam stomacho ficū
unum exiccatum cum ueteris nucis media par
te, ac rutæ quinque aut sex folijs. quem ficum
assari super carbones iubent; quod quidem me
dicamentum ab eis utilissimum obseruauimus.
Ad idem etiam probatur pimpinella tum ma
ior, tum minor, lactuca, & olera id genus simi
lia, quæ in aperto oriantur horto. Ordeum de
corticatum, coctumque in lacte uaccæ admo
dum utile reperitur. Poma aurea, uel (ut uo
cant) arancea medijs saporis, punica poma, pru
na, cerasa confecta, uel sicca, poma, pira, syru
pi de succo limonum, de succo punicorum po
morum. Bona etiam, & magnopere commen
datur à Galeno terra illa Armena, si uera re
periri posset. Commendatur etiam non minus
Theriaca, immo ita efficacior habetur, ut Ga- Galenus.
lenus libro de Theriaca ad Pisonem dixerit
nullum utilius inueniri hoc medicamento; idq;
confirmat, non solum peste correptos liberare,
uerum etiam alios sanos penitus conseruare.
Cordis tandem regioni epythema hoc erit im
ponendum. Rec. aquæ oxalidis, buglossi, nym
pheæ, & rosarum rubearum ana. ʒ. iiij. aquæ
melissophylli, & florum citrangulorum ana un
cias. ij. santholorum omnium, & corallorum ru
beorum ana. ʒ. iiij. ligni aloes, corticum mali
medici, seminis basiliconis, cinamomi ana. ʒ. i.
D 3 ossis

ossis de corde cerui numero.ij. croci.gr.iiij. uini
 albi odoriferi. 3.ij. & β. omnibus simul com-
 mistis, cum serico, purpureoq; linteo fiunt epy-
 themata, quæ cordi proderunt ualde. Conue-
 nit insuper eidem cordis regioni hoc medica-
 mentum imponere. Recipe Theriacæ, 3.iiij. ter-
 ræ Lemniæ, & santhalorum rub. ana. 3. i. aquæ
 ros. & aceti parum, fiat ad modum unguenti;
 & locum inunge. Postea ad sacculos parandos
 accedemus, qui ualde etiam commendantur, ut
 Recipe florum nimpheæ, buglossi, rosarum ru.
 ana. m. β. florum citrangelorum, roris marini,
 & melissophylli an. 3.ij. santalorum, & coral-
 lorum rubeorum an. 3. ij. ligni aloes, cortici
 citri, seminis basiliconis an. 3. i. foliorum dipta-
 mi, zedoariæ, ciperi, & baccarum iuniperi an.
 3. β. croci. gr. ij. ossis de corde cerui nu. i. mar-
 garitarum, aut lapidum pretiosorum contrito-
 rum, seu solius smaragdi. 3. β. aut 3. iiij. am-
 bræ, & moschi gr. ij. & cum serico, & purpu-
 reo linteo, omnibus simul commistis, ac contu-
 sis, sacculi fiant, quos huic regioni ferant agro-
 tantes, & sic fauente Deo eos à peste liberabi-
 mus. Nec aliud quicquam relinquitur cura-
 tionem nisi oppiati illius descriptionem ostende-
 re, qui quidem experientia roboratur, proba-
 turque ab omnibus, Gallie, Piccardie, Burgun-
 die, ac Normandie Medicis, apud quos hisce
 oculis

oculis mirum fructum ex eo oppiato eos collegisse prospexi, maxima cum omnium laude, ac honore. Recipe igitur rosarum, buglossi, & boraginis conseruæ ana. 3. i. optimi boli, uel lapidis, aut terræ ex Armenia, Theriacæ, aut optimi Mitridati ana. 3. β. pulueris diamargariton frigidi, letificantis Galeni, & smaragdi, an. 3. i. omnia simul commisceantur & singulis diebus mane capiat æger per horam ante prandium unius iuglandis nucis quantitatem, et ratione temporis uel calidi, uel frigidi augeat, ac minuatur medicus Theriacam, aut Mitridatum. Confert etiam maxime si capias radices gentianæ, enulæ campanæ cum aceto rosaceo, uel simili sex horis contemperatis, deinde eas exicces, & capias simul radices tormentillæ an. 3. β. seminis cardi benedicti, seminis acetosæ, seminis citrij. an. 3. iij. citrij corticum exiccatorum, terræ Armenicæ. an. 3. vi. corallorum rubeorum, spodij arabi ueri, pulueris letificantis Galeni, diamargariton frigidarum, & smaragdi an. 3. ij. quæ omnia simul commiscens, postea partem in trociscorum formam reducito cum sirupo de acetositate citrij, uel limonis, & partem in formam rotularum cum saccharo rosaceo resoluta cum aqua rosacea, uel cum aqua eius herbæ, quam aromatarij Morsum diaboli uocant, & aqua cardi benedicti, aqua scabio

sa, ex quibus, urgente frigore, capiat aeger mane ad pondus unius aurei sic simpliciter. sed si calor uexauerit, capiat cum aquæ rosaceæ sufficienti quantitate, aut decocti acetosæ, uel reducat in pillulæ formam, ut roboret partes omnes principes, spiritus omnes, & putredini etiā resistet. Poteris etiam hunc in modum medicamentum, quo ipse utor, parare. Recipe radicem galliopsis. 3. i. 3. croci. 3. ij. seminis erucæ, radicis angelicæ, pimpinellæ. 3. 3. fiat pulvis uti lissimus. adde Theriacæ Andromaci. 3. ij. misceantur in mortario. de quo detur scrupulus unus sub aurora, & non solum peste correptos liberabit, sed etiam id efficiet, ut nemini noceat infectus aer, et si aliquem innadat, qui hoc non sumpserit (nam qui sumpsit liber est) recipiat huius electuarij gr. v. uel. vi. cum. 3. 3. olei scorpionis tepidi, ac aliud non bibat, ac aquam in qua decocta sint cotonea duo diuisa in particulas decem, uel duodecim, aquæ fontanæ mensuras uulgares duas. ad medias coquatur, de quo detur potui quantum desiderat. Id præcauebit, & inflammationem colli, & aliorum intrinsecus positorum. præstaret antea accipere radicem pastonix, idest cardi fullonium. 3. vi. elotas, & purgatas præparari cum aqua fontanæ cum prædicta forma, & ad sufficientiam utatur prædicto modo. si autem temperies naturalis,

turalis modo disposita erit, propter antiquum genus morbi, uel simile, aut seni addatur uini iuxta considerationem temperamentum, ut notum est. Hæc omnia sic obseruando, nullus peste laborantium morietur. Reliqua ab alijs quam plurimis autorum monumentis petas, eosque consulito; reperiens enim non paucos, qui pestis medicamina conscripserunt. Nos uero quæ magis conducibilia uisa sunt, ratione, & experimento comprobata hic meminimus, ne scilicet in magnam Tractatus hic excresceret molem. Quæ de causa non nulla breuitati incumbens consulto prætermisi, quæ fufius scribere potuiffem. Et ita de uacuandi scopo satis dictum fit. Nunc ad bubonis pestilentis, carbonisq; curationem. Bubonis, proxime accedamus. Ergo si bubo apparuerit, carbonis, mox locus, in quo insidet accurate spectandus que cura erit, num in cerebri, cordis, aut hepatis emuntio. Et orio constiterit, hoc est, sub aures, axillas, inguina: tumque foras euocandi, non introtrudendi intentio sit. Euocatur autem foras calidis attrahentibus admotis. Quamobrem ex usu erit cataplasma ex capis, & theriaca confectum admouisse. Conficitur autem sic. Excantentur capæ aliquot, intra quarum cavitatem theriaca indatur, suoque operculo integantur, & prunis simul subditæ donec mollescant resideant, probeque tritæ buboni admoventur.

Confert

Confert item cataplasma ex cepis, calamento,
origano, hyssopo, contritis, et in lixiuio elixis,
quibus in tritura addantur ammoniaci guttæ,
galbani, serapini ana. 3. ij. terebinthinæ, mellis,
ceræ quantum agglutinandis omnibus uisum
fuerit, & buboni ad suppurationem admoueatur,
theriaca semper his, quæ admoventur indita:
trahendi nanque ad se uenenum, etiam appo-
siti, potestatem habet, ut Galenus li. de the-
riaca ad Pisonem conceptis uerbis testatur.
Prodest quoque plurimum deplumem galli,
podice buboni admoto diu continuisse, ita ut
galli ore occluso, podice trahere aerem gallus
cogatur, sic enim una, et uenenum ad se trahit,
sibi que mortem concitat. Quamobrem plures
in id habendi sunt, ut in demortui locum alter
confestim supponatur. Ex ficibus item siccis,
sale, fermento acri, passulis enucleatis, omni-
bus ex oleo liliorum exceptis, emplastrum con-
ficitur ei rei ualde idoneum. Si uero eum eli-
gere exoptas, qui fortè euanuerit: recipias gū-
mi euforbiæ. 3. i. & subtilissime puluerizetur.
inijce aquæ fontanæ libra una. stet paululum.
Inde intingat linteolos recentes, & tepidè lo-
co bubonis applicato. deinde recipias ficus sex,
uel septem, alchechings seminis. 3. i. uel. 3. x.
conterendo in mortario fiat massa emplastri.
super asserem quercinum tepefiat, applicetur
loco

loco bubonis, specificata uirtute extrahet, & digeret. suppurato bubone, candenti ferro aperiendum est, diuque fluere permittendum. tūq; extergentibus, & uires trahentibus utendum, donec uenenosa omnis lues exhausta fuerit. Agglutinantibus postea, ac sigillantibus commodè utendum. Interea uerò dum hæc perficimus, antidotis supra scriptis perpetuo utendū; hacque methodo curari bubo pestilens poterit. Carbonis uerò hæc propria est curatio, ut candenti ferro, si fieri id commodè possit, protinus uenenum intus latens extinguatur: quod nullo præsentiore remedio, quam igne fieri potest. Quod si ignem æger ferre non possit, aut nolit, scarificatu circumcidendus locus est, sanguisque effluere sinendus: moxque in ambitu, ne uenenum latius serpat, bolum armenam, ex aceto, & rosaceo oleo imponere expedit. Carboni uerò ea ad mouere, quæ urendi uim habeant, & trahendi facultate sint prædita, inter quæ primas, quæ sequuntur partes obtinent. Accipe uitellum oui, salem tritum, fuliginem camini, fermentum acre, caricæ bene pingues, scabiosam, & symphitum simul contrita, & oleo liliorum imbuta, in modum cataplasmatismatis imposito. Theriaca ex adipe suillo admota, cum salis momento, & pipere optime facit. Non nulli saphyrum tota sui substantia ualere

lere prædicant, si carbunculo admoueat. Ci-
 babinus ægrotum maxime uictus ratione per-
 stricta, cum acetosa, borragine, beta, buglosa, cū
 prunis aqua infusis, & electo aceto, uel sacca-
 ro rosaceo. Postea (si fieri potest) æger dor-
 miat die integro, ac nocte; id enim experientia
 comprobatum multoties est, & quo citius hoc
 fiat, eo melius, ac utilius. sed si dolor, aut aliud,
 somnum impediatur, rebus ijs utemur, quæ som-
 num conciliandi uim habeant: Et cum prædi-
 ctis iam rebus carbonem remouebimus. Sed id
 unū interim animaduertendū erit, ut æger quo-
 tidie corpus euacuet, uel cibus, uel natura, uel
 suppositorijs, aut clysteribus, & ut res postu-
 lat ea repetere, donec corpus semper molle in-
 ueniatur. Postea copiose secanda erit uena ex
 eodem latere, si uires, & reliqua consentiant.
 quod si semel nō suffecerit, iterum repetamus,
 iuxta scilicet Medici consilium, ac rationem.
 Quod si debilitas, uel ætas, & cetera sectionē
 non admiserint, cucurbitulis scarificatis hoc
 fiet, aut hirudines iuxta morbum applicabi-
 mus, dummodo quod nocuum est euacuetur. po-
 stea iterum remedia morbo applicabimus, cum
 scabiosa, uel butyro recenti sine sale, aut sangui-
 ne dulci, aut alijs rebus prædictis, toties id re-
 petentes, quoties opus fuerit. Si uerò carbo-
 nes ualde excreuerint, tunc facta prædicta se-
 ctione,

Etione, cum rebus omnibus iam dictis, ueneni-
um omnino remouendam curabimus. At ubi
non amplius serpit, sistiturque maligna putre-
do, tum escharam remouere emollientibus ex-
pedit, idque sensim: quod præstat iterum bu-
tyrum accipere ex oui luteo: item si ex althææ,
& maluæ folijs, atque radicibus, aqua deco-
ctis, & cribratis, ex butyro, & suillo adipe pul-
mentum confeceris, unice ad id prodesse explo-
raturum est. Amota tandem eschara, detergenti-
bus utendum, nempe rhodomelite ex succo apij,
uel unguento ex resina parato, aut unguento,
quod mistum officinæ uocant. Detersa sanie,
epuloticis, sarcoticisque utendum est, unguen-
to ex aloe, myrrha, olibano, sarcocolla, & argē-
ti spuma parato. Hæc tandem de carbonis cura-
tione dicta sufficiant.

De præcautione à Pestilentia, antequam
quis incidat: & modo præseruationis.

N A S C I pestilentes morbos, ex corru-
pto, atque uitiato malo aliquo inquina-
mento, aere: hancque primam, atque
præcipuam contagiosorum morborum, & pe-
stilentium causam esse, satis iam abunde supe-
rius dictum est. Causas deinde alias, signa, pro-
gnostica, curationem, & reliqua iam præposui
mus,

mus, ita ut ad perfectum rei tractatum, nihil
 ulterius demonstrandum uenit; nisi modum,
 quo homines à pestilentia præseruari possint,
 in eam antequam incidant: sic enim absoluta
 admodum uideri poterit de pestilentibus mor-
 bis tractatio. Ergo si pestis uis locum quem-
 piam occupauerit, in quo quidem tales homi-
 nes degunt, qui iustas ob quasdam causas pesti-
 lentem aerem fugere ac alias regiones mi-
 grare nequeant, quo minus à pestilenti, & pu-
 trefacto aere patiantur, unus siquidem ac pri-
 mus est in omnibus communis scopus; quod ui-
 delicet corpus quam maxime superfluitatibus
 uacet atque optime spiret. Secundo loco post
 hoc, ut præpotenti causæ quo ad eius fieri po-
 test aduersetur. Quare paucissimus spiritus cor-
 pus ingrediatur, isque ut maxime peregrinus
 sit prouidendum est, ex Hippocratis lib. de na-
 tu. hu. decreto uidere licet, peregrinus inquā,
 hoc est purus, attenuatus, nullo inquinamento
 corruptus, odoratus, ac salutaris, prorsusque
 ab eo, qui morbum infert quam alienissimus,
 quod peregrini nomine indicauit Hippocrates.
 Prouidebitur sanè ut talis inspiretur, si à se-
 ptentrione manantes auras, quæ, (ut superius
 prædiximus) saluberrimæ esse solent, exceperi-
 mus, domusque, in qua commorari debent eli-
 gatur admodum purissima, ab omnibus præser-
 tim,

Hippo.

